



TAHNIAH ... Dr Harun (tengah) menyampaikan Surat Tawaran Kenaikan Pangkat Jawatan Timbalan Pendaftar Gred N54 kepada Luqman Ridha.



ALBUM KENANGAN ... Dr Harun (tengah) bergambar kenangan dengan para penerima.

Naik pangkat dalam pekerjaan harus jadi cabaran setiap k-tangan tingkat mutu kerja

NST 9.1.2015 2

KOTA KINABALU: Kenaikan pangkat dalam pekerjaan seharusnya menjadi cabaran kepada setiap kakitangan untuk meningkatkan mutu kerja terbaik pada masa akan datang.

Naib Canselor Universiti Malaysia Sabah (UMS) Prof Datuk Dr Mohd Harun Abdullah menegaskan jangan pula apabila dinaikkan pangkat, dan apabila diberikan kerja tambahan, kakitangan tersebut meminta untuk pertambahan staf bawahan.

Katanya, perkara itu harus difahami oleh semua kakitangan; oleh itu setiap kakitangan yang dinaikkan pangkat perlu meningkatkan produktiviti secara kreatif dan inovatif, agar konsep multitasking dapat dilaksanakan sebaiknya.

Beliau berkata demikian ketika berucap pada majlis Meraikan dan Penyerahan Surat Tawaran Kenaikan Pangkat (Kakitangan Akademik dan Bukan Akademik) di sini, kelmarin.

Harun juga berkata pihak universiti yakin kakitangan yang dinaikkan pangkat mampu menjadi pemimpin yang akan membantu universiti ke arah kecemerlangan.

Justeru beliau berharap kesemua mereka menjadikan pengiktirafan ini sebagai satu suntikan semangat untuk terus berusaha dengan gigih dan cemerlang pada masa akan datang.

Dalam majlis itu, seramai 14 orang kakitangan UMS menerima surat tawaran kenaikan pangkat. - OLEH ERSIE CHELL ANJUMAN